



Fréttabréf Naustaskóla

9. tölublað, 4. árgangur, 3. október 2011

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Um miða og veikindi

Töluvert er um að nemendur mæti með miða að heiman til að fá undanþágu frá útivist, íþróttum o.s.frv. Við biðjum foreldra um að stilla beiðnum af þessu tagi í hóf og hringja frekar í skólann ef þetta er nauðsynlegt! Viðmiðið hjá okkur er að nemandi geti fengið að vera inni í frímínútum í einn dag að afloknum veikindum en annars á það ekki að þurfa nema að mjög sérstakar ástæður komi til.

GSM / MP3

Að sjálfsögðu ber töluvert á því að nemendur eru með síma og tónlistarspilara með sér í skólanum. Við leyfum notkun þessara tækja utan kennslustunda svo lengi sem þau trufla ekki, en bendum á að nemendur verða sjálfir að bera ábyrgð á tækjunum. Ef tækin valda truflunum geta nemendur átt það á hættu að skólinn taki þau í vörslu þar til foreldrar sækja þau :)



Íþróttir - sturta

Nú þegar inniþróttakennsla er hafin hjá öllum aldurshópum minnum við á að ætlast er til þess að nemendur fari í sturtu að loknum íþróttatímum. Undantekning frá þessu er varðandi 1. bekk þar sem nemendur mega sleppa sturtunni..

Kæra skólasamfélag

Segja má að fyrsta lota skólaársins sé nú að baki, vonandi hafa viðtölin nú á dögnum reynst okkur vel til að leggja línurnar fyrir framhaldið þannig að veturinn verði sem árangursríkastur fyrir okkur öll. Í október verður “hefðbundið skólastarf” haft í hávegum en við minnum sérstaklega á að vikan 10.-14. október er opin vika, sem þýðir að þá eru foreldrar sérstaklega hvattir til að kíkja í heimsókn í skólann. Ekki verður um neina sérstaka dagskrá að ræða heldur við það miða að tækifæri gefist til að sjá skólann á venjulegum degi. Við hvetjum foreldra eindregið til að kíkja við en þess má einnig geta að foreldrar eru að sjálfsögðu alltaf velkomnir í skólann! Eins og sjá má ganga framkvæmdir við seinni áfanga skólans vel og er húsið nú að taka á sig form smátt og smátt. Hlutinn þar sem veggir eru að rísa þessa dagana er verðandi verkgreina- og unglingsstígsálma skólans, þ.e.a.s. sá hluti sem við munum fá afhentan til notkunar næsta haust. Inni í fréttabréfinu er að finna yfirlitsmynd af skólanum og umhverfi hans eins og það mun líta út, til glöggvunar og gamans fyrir okkur. Við lifum sannarlega á spennandi tímum og jú, það er ekki um að villast, lífið er dásamlegt !

Ágúst Jakobsson, skólastjóri

Félagsmiðstöð


Nú hefur félagsmiðstöðin tekið til starfa hjá okkur en hún er rekin undir umsjón félagsmiðstöðvarinnar Tróju sem staðsett er í Rósenborg. Opnunartími í vetur verður þannig að fyrir 8.-10. bekk er opið á þriðjudögum kl. 19:30-21:30, en fyrir nemendur í 5.-7. bekk verður opið fyrsta þriðjudag í mánuði kl. 16:30-18:30. Umsjónarmenn félagsmiðstöðvarinnar eru þau Gunnlaugur Guðmundsson (gunnlaugur@akureyri.is) og Sigurlaug Vordís Eysteinsdóttir (vordis@akureyri.is).

Aðalfundur Foreldrafélagsins

Aðalfundur Foreldrafélags Naustaskóla var haldinn 20. september sl. Á fundinn mættu um 60 foreldrar. Þar var rætt um foreldrastarf vetrarins framundan og skólastarfið almennt, kjörin stjórn fyrir skólaárið o.fl. Stjórn Foreldrafélagsins mun skipta foreldrahópi hvers árgangs í þrennt og er hugmyndin að hver hópur standi fyrir einum atburði yfir veturinn hjá árganginum. Dregin verða út nöfn þeirra foreldra sem eiga að bera ábyrgð á því að kalla saman hvern hóp fyrir sig. Fyrirkomulagið verður nánar kynnt á heimasíðu skólans þegar það liggur fyrir. Stjórn Foreldrafélagsins skólaárið 2011-2012 skipa eftirtaldir: Vaka Óttarsdóttir, Ásdís Arnardóttir, Erla Rán Kjartansdóttir, Höskuldur Jóhannesson, Ingveldur Sturludóttir, Sigríður Ingólfsdóttir, Berglind Elly Jónsdóttir, Áshildur Hlín Valtýsdóttir, Guðrún Silja Steinarsdóttir og Lilja Dögg Vilbergsdóttir. Við minnum á að fundargerðir Foreldrafélagsins (og upplýsingar um foreldrastarf við skólann) má nálgast á heimasíðu skólans undir hlekknum “Foreldrar”.

Snakk - og bíodagur


Nemendaráð skólans hefur nú komið með ýmsar tillögur að atburðum og uppákomum sem miða að því að gera skólastarfið fjölbreyttara og skemmtilegra. Meðal þeirra tillagna nemendaráðs sem ná fram að ganga í þessum mánuði er svokallaður snakk- og bíodagur sem verður fimmtudaginn 20. október. Það þýðir að milli kl. 10-12 þann dag verður boðið upp á ýmsar kvikmyndasýningar í skólanum sem nemendur geta valið um, og þeir fá að hafa með sér “snakk” að eigin vali til að gæða sér á á meðan :)



Yfirlitsmynd—húsnæði og umhverfi Naustaskóla eins og það verður þegar skólinn er fullbyggður.

Græn svæði eru núverandi húsnæði skólans en gulmerkt eru þau svæði sem við fáum afhent næsta haust, í ágúst 2012

Íþróttahús, miðrymi (samkomusalur, bókasafn og matsalur) og stjórnunarálna verða tilbún á árunum 2013-2014



Af hverju höfum við samkenntu árganga?

Í Naustaskóla fer kennt að mestu fram í aldursblönduðum námshópum þar sem nemendum úr tveimur (og stundum fleiri) árgöngum er kennt saman án varanlegrar aðgreiningar eftir aldri eða námsgetu. Markmiðið með aldursblönduninni er að stuðla að námi við hæfi hvers og eins en auk þess að styðja við félagsþroska nemenda og líma skólasamfélagið enn frekar saman.

Að jafnaði er gert ráð fyrir að nemendum í eftirtöldum árgöngum sé “blandað”:

2.-3. bekkur, 4.-5. bekkur, 6.-7. bekkur, 8.-9. bekkur

Margvísleg rök eru fyrir aldursblöndun í skólastarfi og hafa þau verið studd rannsóknum.

Eftirfarandi hefur t.d. verið nefnt:

- Segja má að aldursblandaðir hópar líki að nokkru marki eftir “eðlilegum” aðstæðum í fjölskyldu og nærumhverfi þar sem aldur og þroski fólks er mismunandi. Nú á tímum verja börn minni tíma með fjölskyldu og í umhverfinu utan skólans og fara þar af leiðandi að nokkru á mis við þessar aðstæður ef þær eru ekki í boði í skólanum.
- Ef augljóst er að nemendur hafa til að bera misjafnan þroska og getu læra þeir að það er eðlilegt að vinna á misjöfnum hraða, að hafa mismunandi færni, áhugasvið o.s.frv. Ekki eru allir alltaf að gera það sama, það þykir eðlilegt og nemendur skera sig því síður úr. Það er eðlilegt að vera “barnalegur” eða “duglegur” og minna ber á neikvæðum samanburði.
- Nemendur í samkenntu fá tækifæri til að kynnast fleirum, bæði eldri og yngri nemendum, kynnast því að vera bæði eldri og yngri, þannig getur skapast góður námsandi og umhyggja í hópnum. Nemendur læra félagsleg samskipti þar sem yngri börn læra að þiggja hjálp frá eldri börnum og þau eldri læra að hjálpa, þetta leiðir til félagsmynsturs sem styrkir ábyrgð, forystu og félagslega færni. Margt bendir því til að aldursblöndunin hafi örvasandi áhrif á félagslegan þroska nemenda og hegðun svo sem að hjálpast að, deila með sér og skiptast á, taka tillit til annarra, segja satt o.s.frv. Þetta hefur m.a. verið stutt með rannsókn Gayfers árið 1991 en þar sýndi hann fram á að nemendur í samkenntuhópi höfðu yfirburði í námstækni, félagslegum samskiptum, samvinnu og viðhorfum gagnvart námi og menntun miðað við nemendur í hefðbundnum bekk. Þá hefur verið nefnt að minni hætta er á að nemendur festist í ákveðinni stöðu í samkenntuhóp sem tekur reglulega breytingum.
- Nemendur í samkenntu þurfa að læra að vinna sjálfstætt og hjálpast að, það má segja að nauðsynlegt sé að nota fjölbreyttari kennsluáferðir og því draga þessar aðstæður úr tilhneigingu kennara til að nota einsleita námskrá þar sem allir eiga að vera að gera sömu verkefni á sama tíma. Ennfremur hafa rannsóknir t.d. Maehr og Midgley sýnt fram á að aldursblöndun hvetur kennara til að velta sífellt fyrir sér eðli náms og kenntu.
- Rannsóknir á samvinnunámi og félagastuðningi í námi benda til að samvinna og samskipti milli barna í getublönduðum hópum komi öllum til góða, hver sem námsleg staða þeirra er og að samvinnunám í blönduðum hópi sé eitt öflugasta námsform sem til er. Minna má á að samvinna barna sín á milli er mikilvæg í námi, ekki síður en samvinna milli barna og fullorðinna. Aldursblöndun skapar kjöraðstæður fyrir samvinnunám og félagastuðning í námi. Þá hafa verið leidd rök að því að í samkenntuhópum séu meiri möguleikar á því að einstaklingarnir nái að nýta mismunandi greindir eða færni þar sem ekki er gert ráð fyrir því að allir séu að takast á við það sama á sama tíma.

Ávaxta- og mjólkuráskrift

Um þessi mánaðamót fá foreldrar greiðsluseðla þar sem meðal annars er innheimt ávaxta- og mjólkuráskrift þar sem nemendur eru skráðir í þá þjónustu. Þetta gjald er innheimt einu sinni á hvorri önn og er 5000 fyrir ávaxtaáskrift og 2400 fyrir mjólkina.



12 ára börn og yngri mega ekki vera úti eftir kl. 20
13 – 16 ára börn mega ekki vera úti eftir kl. 22

Mentor-leiðbeiningar

Á heimasíðu skólans er nú að finna leiðbeiningar fyrir foreldra um hvernig megi nálgast ýmsar upplýsingar á mentorvefnum. Þær er að finna undir hlekknum “Foreldrar”.



Samræmdur matseðill

Frá og með 1. nóvember nk. mun eldhús Naustatjarnar og Naustaskóla taka upp nýjan “samræmdan” matseðil. Þar er um að ræða 7 vikna matseðil sem verður eins fyrir alla leik- og grunnskóla bæjarins þó að stofnanirnar geti verið staddir á mismunandi tímamörkum á matseðlinum. Markmiðið með þessu er annars vegar að samræma innkaup og draga þar með úr hráefniskostnaði en hins vegar að tryggja að allar skólafélagar bæjarins bjóði upp á hollan og góðan mat og foreldrar geti nálgast greinargóðar upplýsingar um innihald matarins á hverjum tíma. Unnið er að því að gera þessar upplýsingar aðgengilegar og munum við auglýsa þær nánar þegar þær eru tilbúnar...



Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Október 2011

Sun	Mán	Þri	Mið	Fim	Fös	Lau
	3 Soðinn fiskur, kartöflur, soðið grænmeti og kryddsmjör	4 Svikinn héri og co. Opíð hús 5-7b 16:30-18:30 Opíð hús 8-10b 19:30-21:30	5 Plökkfiskur, salat og rúgbrauð Forvarnardagur hjá 9. bekk	6 Kjúklingapasta og salat Inniþróttakennsla hefst hjá 4.-9.b.	7 Hrísgrjónagrautur, brauð og álegg Bleikur dagur	8
9	10 Soðinn fiskur, kartöflur, rófur og tómatafeiti OPIN VÍKA Bólusetning í 7. bekk	11 Kjöt og karrý, hrísgrjón og salat Opíð hús 8-10b 19:30-21:30	12 Steiktur fiskur í raspi, salat og kartöflur	13 Spaghettí Bolognese og salat	14 Blómkálssúpa, brauð og álegg	15
16	17 Soðinn fiskur m/ kartöflum, salat og laukfeiti	18 Íslensk kjötsúpa Opíð hús 8-10b 19:30-21:30	19 Ofnbakaður Tandoori þorskur, salat, hrísgrjón og sósa	20 Soðnar kjötbollur, hvitkál, kartöflur og sósa Snakk- og bíódagur :)	21 Makkarónusúpa, brauð og álegg Náttfatadagur	22
23	24 VETRARFRÍ Frístund opin (Soðinn fiskur m/ kartöflum, gulrótum og tómatsósu)	25 VETRARFRÍ Frístund opin (Grænmetis- lasagna, salat og hyðishrísgrjón)	26 Fiskibollur, kartöflur, salat og jóгурtdress- ing	27 Óskamatúr 8.-9. bekkjar :)	28 Ítölsk Minestrone-súpa, brauð og álegg Hrekkjavökuball	29
30	31 Soðinn fiskur, kartöflur, tómatar og smjör	1. nóvember Hakkabuff, kartöflur, salat og lauksósa Opíð hús hjá 5.-7.b og 8.-10.b	2 Ofnsteiktur fiskur, kryddgrjón og salat	3 Steiktur kjúklingur, salat, kartöflur og kryddressing Hæfileikakeppni	4 Skyr, brauð og álegg Slæmur hárdagur	5

Muna: Opin vika 10.-14. október - foreldrar sérstaklega hvattir til að heimsækja skólann
Vetrarfrí 24.-25. október, Frístund verður opin fyrir skráða nemendur í 1.-4. bekk